

18/21

BOSNA I HERCEGOVINA  
FEDERACIJA BiH  
GRAD ZENICA

Služba zaborako-invalidsku i socijalnu zaštitu, stambene poslove i društvene djelatnosti

---

Broj: 07-45-19164/2020  
Zenica: 05.01.2020. godine

**STRUČNA SLUŽBA GRADSKOG VIJEĆA**

**PREDMET: Stav Službe**

**Izvještaj o radu JU „Dom zdravlja“ Zenica za 2019. godinu**  
- dostavlja se

JU „Dom zdravlja“ Zenica je zdravstvena ustanova, koja je na području grada Zenica započela sa radom 1952. godine. Dom zdravlja je nosilac sprovođenja primarne zdravstvene zaštite na području grada Zenice.

Izvještaj o radu Dom zdravlja za 2019. godinu, urađen je na bazi pokazatelja ostvarenih u 2018. godini prema realizovanim prihodima i rashodima. Obrazloženja data u Izvještaju o radu bazirana su na uporednim posmatranjima pokazatelja ostvarenih u 2018. i 2019. godini, a podaci o zaposlenima i bilans stanja i uspjeha odnose se na podatke na dan 31.12.2019. godine

Služba za porodičnu medicinu sa edukacionim centrom u 2019. godini pružala je zdravstvene usluge u 27 ambulanti porodične medicine sa ukupno 56 timova porodične medicine. U 2019. godini u navedenom Centru, završena je započeta dodatna edukacija iz porodične medicine iz školskoj 2018/19. godine za ukupno 57 polaznika, od čega je bilo 35 doktora medicine i 22 medicinske sestre/tehničara.

Dom zdravlja obavlja svoju djelatnost, posredstvom 14 službi.

Realizovane aktivnosti i radovi za 2019. godinu:


1. U 2019. godini završeni su radovi na rekonstrukciji javne površine ispred Doma zdravlja, koji su realizovani u saradnji sa gradom Zenica u skladu sa Ugovorom o međusobnim pravima i obavezama u vezi sa korišćenjem i rekonstrukcijom prilaznog puta i parkinga kod Doma zdravlja. Za realizaciju navedenog projekta Doma zdravlja je obezbijedio 60% sredstava, a grad Zenica 40% sredstava.
2. U 2019. godini Dom zdravlja završio je rekonstrukciju ambulante porodične medicine Potok.
3. U 2019. godini Ustanova je završila radove na rekonstrukciji ambulante porodične medicine u Peharama. U nekoliko zadnjih godina, izvršena je izgradnja tri nove ambulante – Arnauti, Šerići i Tišina i rekonstrukcija pet ambulanti porodične medicine Blatuša, Seoci, Centar, Nemila i Potok.
4. U 2019. godini završena je rekonstrukcija svih mokrih čvorova i izmjena odvodnih oborinskih vertikalna sa krova za kišnicu i kanalizaciju do priključka u šaht u Domu zdravlja

5. Dom zdravlja je u 2019. godini završio poslove ugradnje nove fasadne stolarije u Službi za fizikalnu medicinu i rehabilitaciju, Službi za reproduktivno zdravlje žena, Službi za specifičnu zaštitu radnika, Službi za radiološku i ultrazvučnu dijagnostiku primarnog nivoa, Službi za laboratorijsku dijagnostiku primarnog nivoa, Službi za zdravstvenu zaštitu djece, Odsjeku za čuvanje lijekova i medicinskih sredstava i prostoriji za medicinski otpad.
6. U Službi za zdravstvenu zaštitu djece postavljena su nova ulazna fotosenzorska vrata.
7. U Službi za reproduktivno zdravlje žena u 2019. godine nabavljen je novi ultrazvučni 4D aparat, kojeg nema niti jedna javna zdravstvena institucija u Bosni i Hercegovini.
8. U Službi za zdravstvenu zaštitu kod specifičnih i nespecifičnih plućnih oboljenja, Dom zdravlja je nabavio novi spirometar, koji se koristi kod dijagnostikovanja bolesti sistema za disanje.
9. U 2019. godini novi inhalatori nabavljeni su za potrebe Službe za zdravstvenu zaštitu djece i Ambulante porodične medicine u Domu zdravlja.

#### Struktura zaposlenih:

	<b>Stalni radni odnos</b>	<b>Na određeno vrijeme</b>	<b>Ukupno</b>
<b>Medicinski radnici</b>	<b>384</b>	<b>20</b>	<b>404</b>
<b>Nemedicinski radnici</b>	<b>81</b>	<b>5</b>	<b>86</b>

#### Struktura zaposlenih %



■ Medicinski radnici    ■ Nemedicinski radnici

Dom zdravlja Zenica je u 2019. godini ostvario **višak prihoda** u iznosu od 1.253.309 KM, što je za 45% više u odnosu na ostvareni višak prihoda za 2018. godinu.

Ukupni prihodi iznosili su 18.431.381 KM i za 3% su veći od prihoda ostvarenih u istom periodu prošle godine. Ukupni rashodi su povećani za 1% i iznosili su 17.178.072 KM.

**Tabela prihoda i rashoda:**

Redni broj:	Opis:	Ostvareno 2018.	Ostvareno 2019.
1.	Ostvareni prihodi	17.886.589	18.431.381
2.	Rashodi	17.020.588	17.178.072
3.	Gubitak	-	-
4.	Višak prihoda	866.001	<b>1.253.309</b>

Za obavljanje djelatnosti primarne i konsultativno-specijalističke zdravstvene zaštite za stanovništvo grada Zenice, Dom zdravlja koristi oko 10.000 m<sup>2</sup> prostora. Sve ambulante koje su u funkciji obuhvaćene su Mrežom objekata porodične medicine.

Direktor je obezbijedio realizaciju svih aktivnosti i projekata, koje su u 2019. godini sprovedene u Domu zdravlja, što je podrazumijevalo obezbjeđivanje finansijskih sredstava, organizaciju rada i rješavanje svakodnevnih tekućih pitanja, kako bi aktivnosti i projekti bili u cjelosti i do kraja sprovedeni. Upravni odbor ocjenjuje pozitivnim rad direktora Doma zdravlja, sa aspekta ostvarenih dogovorenih zadataka, namjenske upotrebe javnih sredstava, poboljšanju kvalitete u radu, discipline, organizacije i ukupnog kvaliteta zdravstvenih usluga.

Za 2020. godinu planirane su sljedeće aktivnosti: radit će se na zadržavanju i unapređenju dostignutog nivoa zdravstvenih usluga, u skladu sa finansijskim mogućnostima, radit će se na nabavci nove opreme, nastaviti će sa daljnjim procesom informatizacije u Domu zdravlja, nastaviti će se započeti sistem kvalitete i sigurnosti zdravstvenih usluga i akreditacije u zdravstvu.

Smatramo da dostavljeni materijali pružaju dovoljno dobru osnovu da bi Gradsko vijeće moglo donijeti adekvatnu odluku i očitovati se o radu ove Javne ustanove.

PRILOZI:

1. Izvještaj o radu JU „Dom zdravlja“ Zenica za 2019.godinu
2. Nezavisno revizorsko mišljenje i finansijski izvještaji za 2019. godinu
3. Odluka o usvajanju Izvještaja o radu JU „Dom zdravlja“ Zenica za 2019. godinu

DOSTAVLJENO:

1 x Naslov

1 x a/a

Šef Odsjeka za društvene djelatnosti

Z.I.



Pomoćnica Gradonačelnika



Sumea Mujkanović

